

河  
洛  
真  
數

陳邵二先生河洛真數易卦釋義下經卷之上

賴川後學默菴李學詩校正

咸亨利貞取女吉

象曰山上有澤咸君子以虛受

人

艮少男。兌少女。兌上艮下。曰男下女也。取女吉者。

先王制禮。自納采以至親迎。無非下女。所以重人。

道。嚴苟合也。不待父母之命。媒妁之言。遂相教誘。

而不知耻。如是娶女。則大亂之謂乎。天地君臣父。

子兄弟朋友。萬物皆以情相感。而後通。姑舉男。

之一端。觀之天氣先降。而後地氣升。男先下女。

後女德隨君先下臣而後臣志應先主見孔明得此義也大象山以虛受澤之潤君子以虛心受令之言心虛故感感故應此工夫只在克己復禮上克己復禮歸仁者虛心故也兌宮三世卦屬正月納甲是丙辰丙午丙申丁亥丁酉丁未如生于正月及納甲本命者功名富貴人也

邵曰上兌為少女下艮為少男合為夫婦之義得之者虛心繫已賦性無爭無戾無偏黨之心有畜衆之量是非幾會每起無心喜春夏日生秋冬不利

初六咸其拇。象曰咸其拇志在外也。

咸以人身取象。今初六為拇。拇是大指也。以九四為心。初足居下而動其拇。在前而感之最先。故曰志在外也。本不中正。然志在外而有公心。亦為正人矣。元數有歸。兼卦叶吉。成名雖早。食祿最遲。數卦不叶。中年離祖。外地成家。

歲運逢之。朝仕必出。閑官必遷。方州虛名。大學得志。幹彼有成。謀已未遂。常俗宜商。旅僧道便。於遊行。

邵曰居卦之下。如拇之動。不足以進也。得之者入。

贅過繼立業在外所望不成是非恒集

六二咸其腓凶居吉象曰雖凶居吉順不害也

境靜而心動者山林不能繫其逐物之心境動而  
心靜者紛華不能易其樂道之操六二居腓之位  
乃足趾足未舉而先見動是處平境之動者咸道  
宜正靜則吉若不正而動則凶故曰腓動則凶居  
正則吉此爻雖中而正但上感于五之說未免動  
矣然中正相應終無害也元數兼卦叶吉有才  
有德上順于君下順于民待彼求而終應則事順  
而無阻碍數卦不叶但利安居不利于遠出事

見和傾身無灾危

歲運逢之利靜不利動動凶靜吉倘禍若未順之  
无咎

邵曰腓之位乃足肚未舉而先見動足以自失而  
凶也得之者宜堅樂道高尚之志无肆欲速冒進  
之心閑事莫管恐惹无心之失也

九三咸其脢執其隨往吝 象曰咸其脢亦不處也  
志在隨人所執下也

見腓動亦隨而動所志愈卑而所執愈下何哉脢  
在下體之上腓動則脢隨九三感于上六說隨而

不處隨人而不執其志則往吝矣。元數與卦叶  
吉者為股肱執政大臣固執已見勿從彼言乘勢  
而進知幾而止則為大人君子也。數卦不叶慢  
尊重卑謀巧見拙志在隨人而有敗失也。  
歲運逢之仕官為宰執常俗為執幹不宜妄動但  
隨時進退而用事可也。

邵曰以陽剛而居內卦之上應乎上六如股之在  
身不能自動而隨身以動者也得之者自無定見  
所事隨人女子得之必為淫奔之婦小人得之必  
為卑賤之役必有貴人變之。

九四貞吉悔亡。憧憧往來。朋從爾思。象曰：貞吉悔亡。未感害也。憧憧往來。未光大也。

九四在三陽之中。象心。心之感為情。情動于中而感者也。蓋人之性主靜。而心屬火。好動。心動則性於是乎不寧矣。九四心位。不言心而言思。責其費心而任思也。心者身之德。思者德之騁。心則虛而照。思則索而明。故虛照則明。索照則昏。元數有

歸兼卦。叶吉者。為剛大君子。一心洞然。全無思慮。辨別曲直。如鏡分明。得正吉。而悔亡。未感通而害也。元數不歸卦。不叶吉者。一心憧憧。或明或暗。



結朋任思決事不公賢愚相雜高下失宜其道  
光大也或奔萬里歷遍四方方可无咎

歲運逢之心緒少安賴朋友相倚亦宜小謀不可  
大用惟宜士人進取大得志也

邵曰以陽居陰係應于初六憧憧擾雜而不能正  
固同類相感則狹而未光也得之者心勞日拙期  
望高遠而事難成名利雖得終不安裕

九五咸其脢無悔 象曰咸其脢志末也

九五當背肉在心上而相背不能感者也无吉亦  
无悔矣九五之脢脢平安俗云三思臺榭核是也

言胸上口下此一身之虛无思之地宜感通之誠也今日无悔何也盖無思而神明則不昏若思而神明昏矣晦雖無心則无神也昏惰而已其失在係六二而說上六也小象責之曰不志乎而志乎未也 數卦吉者則是有中有正大才大德不貪不求立功立業者也 元數與卦不叶志昏蓋絀背公而私棄本逐末

未 歲運逢之見事如无斯免已禍縱得事成所得微

邵曰以陽居尊正應六二偏私淺狹其所感如晉

肉之晦昧眩無見則其心可知矣得之者必心中不  
且而諸事不決雖有名亦不安

上六咸其輔頰舌

象曰咸其輔頰舌騰口說也

上六在上乃口之象不以心相感而以口相感言  
語騰揚不足以取信于人上體兌口正當口象正  
面看之則頰與舌俱有矣此爻雖不得中而歸正  
位若元數兼卦歸元叶吉者必得近君用事文  
章可以感動乎大君使天下衆口騰說其才德也  
數卦不叶是為小人在上非道媚君終見棄逐  
歲運逢之仕者為言路若卦數吉應也如元數兼

卦不吉則為言諂為官司唇吻為遊談頰舌為言  
語技藝

邵曰以陰居咸道之極是咸上之輔觀下之口宜  
語騰揚而所感亦淺矣得之者心直口快而傷情  
招怨也

恒亨无咎利貞利有攸往 象曰雷風恒君子以立  
不易方

剛上柔下卦之變有常分雷風相與卦之象有常  
氣巽而動卦之德有常理剛柔相應卦之體有常  
情脩此四者卦之所以為恒雷風之為物倏忽變

化至恒也聖人取為恒之象謂人能雷震風烈而  
不動其心者是有恒也所謂富貴不能淫威武不  
能屈貧賤不能移君子所立者大中之道不交易  
其守所以為恒也震宮三世卦屬正月納甲是辛  
丑辛亥辛酉庚午庚申庚戌如生于正月及納甲  
本命者功名富貴人也又二三四五六七八月生  
為及時若九十一十二月生為失時及時者富  
貴失時者得福力輕縱有富貴而德薄不能守恒  
者也

邵曰上柔下剛是以男動乎外女順乎中人道之

常也。所以為聖人久于其道而天下化成。得之者聲名事業。恒以艱難變故必久而著也。

初六。浚恒。貞凶。无攸利。象曰：浚恒貞凶，始求深也。

初在下位。巽體務入。求之太深。以此為正。凶之道也。何利之有。是謂不當恒而恒。世之小人。伺候于公卿之門。而不知其分義之相絕。奔走于勢利之家。而不知其心志之未孚。以此為恒。徒知求望之大深。不知道退之非宜。其處污穢而觸刑辟。可立待矣。曷若守分安養。至于譽望之隆。道義之修。无求于人人。自求我為貴哉。柔而在下。不中不正。上

望九四之陽。急欲巽入。而求之為應。是不恒之人也。元數與卦叶吉。亦可作貴人。但是躁動招禍。遲待則福。數卦不叶。其為人也不安命。分躁求聲譽。挾陰柔之資。持巽入之術。不量彼之淺深。只顧已之求進。何利之有大。凡勢利之塗。如萬仞之淵。深則沒。淺則出。為君子者。欲急避之。而不能。何況求之深乎。豈可與不淫不屈不移者同日語哉。歲運逢之。靜吉。動凶。不宜涉險。有為。

邵曰。陰柔在下。知常而不知變。故凶而无攸利。得之者。宜堅守常志。若期高望遠。而事難成。怨悔之。

所由招也

九二悔亡

象曰九二悔亡。能久中也。

不正却得居中。所謂能中道而立有恒者也。然位不正。本是有悔。幸而得中。則无悔矣。故曰悔亡。小象言久中者。久恒也。因中而能恒也。元數他卦叶吉。是素稟大才能久。行中道為富為貴。有德有言。縱有是非。自然分曉。中字乃守成之階。久字長遠之義。元數無卦不叶者。生平不凶。老去无病。名清壽永。蓋有久遠之義也。

歲運逢之。若先有病患者。自然退矣。事宜可圖。長



久之計

邵曰此悔吝消亡之象能久于中道得之者有意  
外之變苟能隱忍而聽其自然則憂可散而難如  
解矣

九三不恒其德或承之羞貞吝 象曰不恒其德无  
所容也

九三剛躁之質處下體高位當風雷交動之際是  
无恒者也夫德之无恒不可以作巫醫難免乎羞  
辱矣以其過剛不中反不能恒其德而羞吝隨之  
盖忽欣驟忿父不能以安其子初正終陷士不能

以孚其朋此謂不恒也

元數兼卦不叶或有文

學而無德害人或居富貴而不仁損物

元數他

卦叶吉只宜保已守誠不可妄自高大

歲運逢之居榮者必辱有得者必失能順理安分  
斯免怨謗之過進取者未利

邵曰人貴有德德貴有常九三以剛居剛是以不  
恒其德或承之羞也得之者賦性不常或朝夕更  
改或事追悔而動不宜妄動罔不凶也

九四田無禽

象曰久非其位安得禽也

九四陽剛大才是有恒者然居柔位不中不正豈

可守常而不變哉。久居而不去，貪得而不止。如田獵不久，安得獲禽？如設置待兔，終不足以獲兔。張戈求鳴，終不足以致鳴。蓋且之所設，戈之所張，非其地也。恒非所恒，亦无得而亦无失也。數不窮，元卦不叶，吉恃其有志，專用貪心，進不求退，恩必變仇。元數他卦叶吉，有才有德，作福作威，功成者早退，行旅者急歸，然後得保身之道。

歲運逢之，在仕者宜退，謀利者未就求名者未成。邵曰：一陽為父，常之主，然居柔位，是以徒用力而無功者也。得之者心勞而反成怨，改常以致奔馳。

六五恒其德貞婦人吉天子占。象曰婦人貞吉也。一而終也。夫子制義從婦凶也。

大君之位而柔弱為恒古賢妃貞女夫在則不敢專制夫死則尚稱未亡從一而終之義也彼惟婦言之是聽而牝雞司晨未有不害于國凶其家也六五是能中道而立者然陰居陽位君弱而從強臣夫弱而從強婦安得謂之恒乎我為君為夫制義自我豈可從婦人之令乎。數卦歸元叶吉為中正有常之人不屑名利得賢妻之助但宜專一用心執中行事。數與他卦不叶權出他人執于

自己或妻之悍或子之悖

歲運逢之最宜謹慎不然則下之凌上為禍非淺  
害于身敗于家有不忍言者矣夫子不利于婦人  
故也

邵曰以陰居陽在上而行陰柔之事婦人則吉丈  
夫則凶得之者常操剛介勿為委靡以受制于陰  
人也

上六振恒凶。象曰振恒在上大無功也。

上六陰柔之資處恒之極震軀動不能恒者也。錫  
之以靜重守之以正固處多事而无事遇有為而

無為措天下于太山之安而吾身與之俱安以此  
為恒乃其所宜若乃多反側而數更變務輕躁而  
好作為此以為恒必致凶禍可以覘其无功之大者  
也 數卦歸叶者尚可以施為卓立蓋變而為鼎  
之玉鉉則而清潤者也 數卦不叶恃其位尊處  
在要功振攝无定聖人于小象戒之曰大無功  
歲運逢之勞神役心多動少靜求名望利小則有  
成大則無功也

邵曰上六處動之極宜靜而又震動故无大功得  
之者宜安常守業不可妄自作為以取禍敗

遯亨。小利貞。象曰：天下有山，遯。君子以遠小人，不惡而嚴。

遯之義陽避陰。君子避小人。君子雖有遯之漸，小人雖有長之階，但聖君賢臣相與維持而救治之，杜其禍亂之漸，遏其蠱壞之萌，則一脉生意未遯。至于泯滅，故曰遯退而避也。遯者，豈必江海山林，然後為遯哉？大遯之于朝，小遯之于野，大舜遯其工於歷山，周公遯管蔡於曲阜，故曰君子以遠小人，不惡而嚴也。惟不惡，故不害于身；惟嚴，故不污于身。但正其容色，善其言辭，雖无忿怒之容，亦無

玩褻之態此乾宮二世卦屬六月納甲是丙辰丙午丙申壬午壬申壬戌借用甲午甲申甲戌如生于六月及納甲本命者功名富貴人也

邵曰二陰漸長以犯乾剛四陽不容不避所利者六三之小人再變而為否矣得之者性情緩慢為事憂滯立志沉靜無奔競躁決之心故雖顛沛亦可以安矣

初六遯尾厲勿用有攸往。象曰遯尾之厲不往

災也。正義言之遯之初六六二為陰之小人九

三九四九五上九為陽之君子然易為君子謀故



于初六爻辭以遯字在上言之為深意也又于二  
爻不言遯豈淺見者知之乎說者皆以尾字居後  
遯則失其意也尾者在下固是後也謂小人計用  
不中不正之道而陷君子君子見幾而先去矣其  
小人之計在後而未及君子也聖人開小人自新  
之路不彊之曰厲又戒之曰勿用有攸往爾能勿  
陰邪而往則惡不萌長禍根自消反危為安變小  
人為君子在一念之間耳危則致災不危何以之  
有 數與卦歸叶者先起卑微後至高大先歷艱  
危後至安佚 數卦不叶常懷憂慮動應災

遭提携不能施設

歲運逢之只宜固守免見災危

邵曰二為遯三為否此屯之所以免慮也勿用有攸徃徃則為否惟固守不徃何災之有得之者宜防微杜漸庶免内外之灾

六二執之用黃牛之革莫之勝說象曰執用黃牛固志也

二陰浸長所以致時之遯當遯之世賢人見幾而作皆有長徃不反之計故聖人勸六二執守中順之德如用黃牛之革堅韌而不可破使陰邪謀計

不能勝也 元數他卦叶吉必為中正吉人常正  
固守素志遠絕群邪 元數他卦不叶性不通敏  
志惟鄙猥

歲運逢之要有人之根基資質如何如賢者在仕  
路地位高者則以執事論之為宰執執政仕人進  
取則以牛字為解星宜秋闈又黃字亦可以為黃  
甲黃門黃榜黃堂黃屋常人農家亦是進田業牛  
畜之類凶事則或爭訟牽執不能脫免亦防下人  
邪議但宜安分守常則無嫌忌也此爻不言遯而  
言用事守中正故也

邵曰四陽退避六二正應九五用中順堅固之心以留之然而莫勝其必去之志得之者不識時措之宜以致幾會挫失小人婦女之患隱忍為佳否則哀喪之事有所難免

九三係遯有疾厲畜臣妾吉象曰繫遯之厲有疾憊也畜臣妾吉不可大事也

九三之爻正而不中有牽于下之二陰欲去不去終為疾憊有危厲矣臣妾小人之事非大人之事也元數有歸他卦叶吉者宜固守此心遠絕陰邪之牽係斯免災危如元數無歸他卦不叶吉

者立身私已結交習下至于生疾致禍招疑惹謗  
斯悔无及矣

歲運逢之或下人勾絆或奴僕連累或疾厄驚  
若數吉者得妻妾力喜進人口凡謀用進取者宜  
小不宜大也又在斟酌不可執也一說久疾而後  
死一說出孕而須育

邵曰九三當遯因有係戀而不能故至憊而不可  
救也得之者閨門多事而暗疾危厲之來以致事  
連拘係之累進人口則喜

九四好遯君子吉小人否象曰君子好遯小人否

也。

九四好遯專以隱為心如謂之好則乖于義矣好  
交好也九四九五下乘九三皆是陽剛君子同德  
交好正當協力扶持世道使天下之小人不得依  
附是君子之道通小人之道塞也故曰小人否或  
為可否字則與象辭韻不叶矣 元數他卦叶吉  
乃剛正之人結交善類轉移群陰挽回正道實在  
剛克果斷一念之正爾未免艱難用心或見猜忌  
數卦不叶與君子小人雜處或為官幹或為公吏  
或閭中求靜而技藝立身或慕聲勢而卑賤晷晷

宜退閑守靜

歲運逢之有猜疑憂慮之事欲前欲後或遭艱難有知己助力以濟險厄大抵宜退守為吉也

邵曰君子決于退避則吉小人泥于私恩則害之者女人當隱退藏男子當無預閑事否則心徒勞而反致怨也

九五嘉遯貞吉。象曰嘉遯貞吉以正志也。

九五以正義言之此君爻非遯者也蓋賢人隱遯之時為君者當求賢而拔擢之以振起于斯世有如鳴騶入谷鶴書赴隴物色丘園皆嘉其遯而美

其有廉退之志慕其高上之風也

數卦叶吉揆

亂反正綱維世道為大德之人也

數卦不叶吉

者中正守已恬淡養性

歲運逢之在閑官遷擢在僧道住持在常俗近壽

止或有喜慶之事

邵曰九五嘉遯而下應六二之嘉偶所以不能遯

遯而能固守而獲吉也得之者有超世之才而端

堅退之志是以陰人惹事而傷財致咎也

上九肥遯无不利

象曰肥遯无不利无所疑也

跡晦道光身約德裕覺中人之未覺故避而无疑



毀譽不能干其體故身安黜陟不能溷其衷故神  
全功名不能動其念故心逸此謂肥遯上九與九  
三相對其九三心累于物即成疾厲上九知幾先  
遯下與二陰畧无交涉故无疾而肥而无不利  
然一有交涉此心必生疑一有所疑慮處是  
能四通八達无往而不利哉肥者光腴悅懌  
數卦叶吉福祿豐厚凡入仕則為端正之人見  
不樂見辱不憂心性聰敏見識高遠作事果決不  
變不疑 數卦不叶常人亦得衣祿滋潤也  
歲運逢之在顯者求去在仕者退閑无勞无辱在

常俗者有謀望必獲厚利矣

邵曰陽剛居上知消長之幾无聲名之累是以綽然而餘裕也得之者快樂豐家可以坐亨盈餘无復有成敗之患矣

大壯利貞。象曰雷在天上。大壯君子以非禮弗履。大壯之力量全在一弗字所截决裂果斷不疑方有定守若起纖毫人欲之私即受制于外物矣安得壯也然天地之間壯甚則為災旱疫厲為焚燬在人則為強梁為暴戾為狼狽故利于剛而不暴強而不驕富貴不能淫威武不能屈貧賤不能移

若雷震于九天之上。孰得而禦之哉。此坤宮四世卦。屬二月。納甲是甲子甲寅甲辰庚午庚申庚戌。借用壬子壬寅壬辰。如生于二月。及納甲本令功名富貴人也。在春夏為福深。秋冬為福淺。又四五六七八月生者。為及時。

邵曰。陽大陰小。四陽漸長。君子以嚴處。壯得之者。稟性剛明。好華飾而喜高。大家聲門第。由此壯矣。初九。壯于趾。征凶。有孚。象曰。壯于趾。其孚窮也。諸爻皆言壯。乃為用壯者之戒。非大壯也。壯而不大。則是血氣之勇爾。此爻以剛而在下。是壯于趾。

象也。趾壯則進，進則凶矣。有孚者，信其必然矣。蓋位卑而氣剛，援寡而心躁，必欲強往，適足以禍身，滅宗矣。元數蕪卦，叶吉，乃剛正之人，其心常勝，其力難及。數卦不叶，自宜安分守常，不可輕舉妄動，動則招凶。

歲運逢之，或招下謗，或見足疾，宜閑中求靜，靜裏安身，斯可免辱也。

邵曰：壯而居下，壯于趾者也。若征進則凶，得之者宜退步，不可恃壯。若輕進，則自取辱矣。

九二貞吉。

象曰：九二貞吉，以中也。

諸爻陰居陰陽居陽為正類多吉大壯不然以陽  
居陽則是剛而又剛也必致取禍故初爻征凶三  
爻貞厲唯以陰居陽則是躰剛而用之以柔乃  
得正二與四是也故皆曰貞吉知此而後諸爻易  
見矣在大壯之時以陽居陰而得中是為藏強于  
怯寓剛以柔戢弓矢而尚文教用干戈而省厥躬  
蓋中之內有正者存所以吉也元數他卦叶吉  
大才重德剛柔兼濟足以為賢臣也象辭之中字  
為兆甚多如官戢帶中字者皆是也為性情中正  
之君子也元數他卦不叶亦是穩實之人少逢凶

禍

歲運逢之在仕者顯達逆旅者歸求名者成就常俗經謀无不稱遂數凶者有變豈其節之憂邵曰以陽剛居柔得中之道故无悔而獲吉得之者每事退步則吉

九三小人用壯君子用罔貞厲羝羊觸藩羸其角象曰小人用壯君子罔也

九三過剛不中又一陽以拒其前為用剛大過未遂也說者以小人用壯君子不用壯誤以罔字為不用也觀貞厲總係于小人君子以下則用壯

用罔皆非善矣蓋以剛居剛在小人則恃其  
逞匹夫之勇故用壯也在君子則力不足以  
用罔為壯焉若此雖正亦危譬于羝羊之狠  
籬徒自羸困耳 元數他卦叶吉者亦可以為  
子但以險心詭計為能終遭阻挫而止也 元數  
他卦不叶專恃剛狠不顧可否勇于施為禍必及  
身矣

歲運逢之進退不決或他事牽連或公訟係累  
邵曰以陽居陽用壯觸藩羸角之勢得之者宜以  
謙和自處可免禍患

九四貞吉悔亡。潛決不羸。壯于大輿之腹。象曰：潛決不羸，尚往也。

以剛居柔，能不用壯。非但得正而吉，其悔亦亡矣。三觸藩而羸者，上有九四之碍也。四不觸而決者，上陰爻无阻也。豈惟壯九四不羸，亦有能進之喜。大輿之腹，大壯可進矣。故曰尚往也。元數他卦叶吉功名中人，或不用文字致官，以任朝廷大惠，不怯不惧。元數他卦不叶生，平吉善遇，凶自斡。

或為幽閑无拘无束，老耒壯健能幹事。

歲運逢之，進取者成名，選人改秩，士子當得大魁。



閑官驟遷常人得福久靜者必動動者必吉

邵曰以剛居柔正得處壯之道所以悔亡而獲吉也得之者憂疑可散營為可圖自滿不形而艱阻

可脫

六五喪羊于易无悔 象曰喪羊于易位不當也

六五柔居陽位无所用其勇蓋諸陽處壯皆以壯進惟六五無剛健大有為之質而為一卦之主是位不當也處位不當而用剛以治壯其不至激越者罕矣諸陽並進宜以和易調伏之如喪羊然无悔 元數他卦叶吉有德有才不驕不傲能以柔

順服強受暴易艱難為平易 元數他卦不叶或  
承息澤懦而不立

歲運逢之宜靜以待動他事未急此心放緩斯免  
爭聞之禍而无殃咎矣病者不利損失之兆有喪  
字故也

邵曰處盛壯之時用和易之德如喪羊然後无咎  
得之者當以和易處世不可倚勢凌人小人宜所  
當謹

上六羝羊觸藩不能退不能遂无攸利艱則吉 象  
曰不能退不能遂不詳也艱則吉咎不长也

上六壯終動極。亦有羝羊觸藩之象。不能退。則是言衆爻之上。不能遂。則是有一卦之窮。死他是不詳審也。若量力度勢。先艱以處之。則獲吉而觸藩之咎不長矣。元數他卦叶吉者。腹飽詩書志。既

流俗但宜以高為卑。以易為難。庶幾无失。

元數

他卦不叶者。才卑志微。不量可否。貪高望大。常優陰危。盖无詳審之思也。

歲運逢之。宜安分守常。則反災為福。凡得此者。不問仕宦常俗。皆有進退不遂之志。可酌量詳審。则无凶也。

邵曰處壯之極有觸藩之勢不能以自守不克  
其所進也得之者作事起于艱難是非宜于杜漸  
雖有微災不足之憂不能以長久為害也

晉康侯用錫馬蕃庶晝日三接  
象曰明出地上晉  
君子以自昭明德

日入地為夕忽從幽暗默運而升故明出地上晉  
之象也日當中天无所不照此謂晉也人心久蔽  
忽開而明者似之人心本虛明自強不息汨于  
物慾窒于意我而昭昭者昏昏矣不可无學焉  
經曰大學之道在明明德此之謂也豈他人所能教

河洛數

卷下經上

力哉。聖賢歆沃師友講明。无非勉歸此路。故曰自  
昭。此二字警告至深至切。學者勉之。此乾宮四世  
卦屬二月納甲。是乙未乙巳乙卯巳酉巳未巳巳  
借用癸未癸巳癸卯生于二月及納甲本命考  
名富貴人也。

邵曰。上離下坤。日出地上。惟見其升而不已也。得  
之者。人口田財有進无已。必先有傷尅破敗。方始  
發福。

初六。晉如摧如。貞吉。周孚。裕无咎。  
獨行正也。裕无咎。未受命也。

象曰。晉如摧如。

晉之為道進難而退易進寸而退尺甚矣下三陰  
爻位雖不同各以順進而皆不苟于進觀于二之  
摧如愁如貞吉可見矣初六順而靜可進而不必  
于進其心凜然若將摧于上不以為樂而以為戚  
蓋位本不正獨行其正也晉之始其上未必信所  
以裕者不急于得仕其志未在于受命雖不我信  
亦何得而咎之元數他卦叶吉文章學問之貴  
人也一心皎皎守正不回當顧分義之所安不與  
汲于富貴其得時行道則以進為惧以退為樂又  
能不急于受命可謂特立獨行者也元數他卦

不叶進身未久摧退立見縱欲守正吉而人不信從也或寬裕飽煖雖守官爵壽不長久

歲運逢之或進或退有喜有憂惟宜固守則吉上位下人不能相信只當執一定之見則无事累及凡有當爲之事亦放寬緩而爲之則吉不可速進故進取者不利也數凶者不長命也

邵曰以柔居下而正應于四所以不能遂其求進之志得之者當寬裕自守以待上人之提掖若有欲速之心則冒進之患生矣

六二晉如愁如貞吉受茲介福于其王母 象曰受

茲介福以中正也

夫緣高木有損墜之愁登高山有蹉跌之愁不知其為愁而以輕易之心處之則凶矣王母之辭何以不言王父曰王母父母一也以五君陰故稱母與幹母之蠱同義茲者此也介者大也如元數他卦叶吉有中正之德為清名重望之貴人能以進為憂不以進為喜故受此大福也大福非必高爵厚祿但以安亨其所有而无禍則亦大福也如元數他卦不叶亦是端人正士或進或退有喜有憂動靜不常更變不定惟宜固守則有福而无



禍

歲運逢之進取功名必有成就在仕逢明主其中  
正兩字為官職之先兆如常俗定見營謀稱遂或  
遇陰貴主人得福

邵曰以柔居中上應九五然五有坎水之憂故進  
有愁也得之者必遭遇貴人然憂愁之來常知所  
謹

六三衆允悔亡

象曰衆允之志上行也

諸爻惟三五兩爻不言晉而皆言悔亡蓋五居位  
也復何進乎能上行其志則善耳上行者其道行

于君也觀此則彖指康侯明矣以陰居陽本宜有  
悔然處順躰之極以倡群下其得以上行而多必  
信也初在罔孚而未信也至三則衆信之豈偶然  
哉如元數他卦叶吉大德高才出群邁俗其志  
上進以順麗乎大明之君志發乎此衆信乎彼且  
其悔吝之死也衆信指初與二陰坤躰如元數  
他卦不叶亦作誠實善士親近良朋少逢陰禍  
歲運逢之在仕路而有遷擢要津常人宜動動則  
有益

邵曰雖陰居陽位然下二爻皆信向而從之其志

可上行也得之者以信實待人故信從者衆雖有意外之變不為害矣

九四晉如鼫鼠貞厲象曰鼫鼠貞厲位不當也

以陽居陰為位不當非中正之德也近而逼君進猶未已故貪乎位而不忍釋畏乎下而恐見奪如以而畏人者也揆之正道豈不危哉故曰貞以禍家國禍天下其為危厲可勝言哉如他卦叶吉必高官大貴貽禍于天下終不得善結果若數卦不叶者必為无德損物之人其志剛狠自尊自大凶橫之徒亦不全屍結果

歲運逢之仕路有阻宜自斟酌特宜謹慎而行則免禍患常俗有驚厄之事

邵曰碩鼠晝伏夜動之物九四當大明麗天白晝之時欲進而无所止如鼠之貪而畏人也得之者常常懷敬畏知退之念則于所事无成亦无害六五悔亡失得勿恤往吉无不利象曰失得勿恤

往有慶也。

此爻與九三不說晉者三候五君也君位復可進乎六陰五柔不正本宜有悔然居離體乃大明當尊位與他卦不同故悔亡也丑以文明之德下之

三陰順從天下悅而歸之大明照臨如日在天无  
幽不達无遠不燭何得失之可憂哉由是而往吉  
无不利非他吉利一人有慶兆民賴之故小象贊  
之曰失得勿恤往有慶也 如元數他卦叶吉文  
章道德高出清世特立獨行不顧得失之慮其在  
上在下之人自然敬信也 如元數與他卦不叶  
亦是心明志廣識遠慮深或得或失不以為憂或  
動或靜自然逢吉

歲運逢之所憂者散若有謀則宜果決而行不必  
憂乎得失也在仕者有遷在俗者有喜看謀者獲

利其進取者成名有憂者消散

邵曰雖陰居陽位而聖人以明德處尊位豈以得失動其心是以有所往而无所不利也得之者寤寐自安于命是非不累于心樂天知命之人也焉絀而不裕哉

上九晉其角維用伐邑厲吉无咎貞吝象曰維用伐邑道未光也

一卦之中四陰爻言悔亡九四陽爻貞厲者在正道亦危矣上九陽爻貞吝者在正道亦不足取也故彖言道未光上九剛居極位晉其角也晉道之

大如日之照海隅蒼生光不在光明照臨之內若  
上九者但用剛勇以伐其私邑雖犯危而獲吉可  
以无咎然于正道則亦可吝矣何則道未光也人  
人皆具此道皆有此光而曰未光者蔽于思昏且  
惑失其所謂晉也豈光明照臨之道哉如元  
他卦叶吉者有才有德高出人上但在仕不顯  
作縣率軍正盖有伐邑之義雖有艱難諒无大  
如元數他卦不叶吉一生剛狠德不稱才骨肉  
合多爭効聞或為武卒或為公吏

歲運逢之在小者作縣官以下皆難中得吉在仕

大者必有食邑之榮常人宜修造屋舍或災厄在身則免爭訟

邵曰以陽剛居柔之極必見伐小邑之象苟能懷危厲之心則无咎矣得之者所往不遂反獲是非若能謙抑下斯得保身保家之道

明夷利艱貞。象曰明入地中。明夷君子以蒞衆用晦而明。

明夷日入地中則明者闇矣夷者傷也然小人用之以傷其明君子用之以晦其明故世之亂也昏君庸人肆其淫虐縱其悖亂而聖人遜世以韜其



光沉潛以晦其迹明夷之時乃聖賢所遭之不幸  
彖意備矣象取蒞衆者則是臨衆宜明用晦晦非  
一切昏惑渾渾无分別之謂是乃所以為明也  
曰用晦而明今人之家必欲件件明察者是却  
大不分曉處在其後也史云不癡不聾不為家翁  
語雖粗俗實處衆之深旨也若明察之而不能容  
豈居上之道哉衆猶地也臨衆用晦是蒞其明於  
衆中如日入地中然古聖所以大无不包明无不  
照者也坎宮四世卦屬八月納甲是巳卯巳丑巳  
亥癸丑癸亥酉借用乙丑乙亥乙酉如生于八

月及納甲本命者功名富貴人也

邵曰明入地中昏亂以傷其明惟在內文明而外柔順也得之者抱不平之氣而無所伸所以不能為害者由其見幾之早耳

初九明夷于飛垂其翼○君子于行○三日不食○有攸往○主人有言○象曰○君子于行○義不食也○

兩陽四陰卦自小過而來兩陽在中有飛鳥之象以初四相易而成明夷故言飛而垂翼也飛者不患不高今乃垂翼知其不可不避也行者不能食今乃不食知其不可不速也君子當明夷之初知

傷之者將至故決焉長往而不顧是則晦已之明  
避上之暗義當去之速也何食之暇乎此知幾君  
子去之早也 元數他卦叶吉者必是賢德君子  
終日不食終夜不寢學古之勤行道之力遇時之  
通不以為樂遇時之窮不以為憂知幾而退度勢  
之人 如元數他卦不叶志大心高不能施設故  
有動見阻有功名而難見食祿

歲運逢之久在閑官者必有往而見用也或入言  
路或得薦剡此當看元命福基之厚薄言之如士  
人進取難以高遠常人有災厄而見不食或主人

有言語譴責或手足之傷骨肉之憂在仕宜謙順方可無傷

邵曰初九以夷齊言之君子貴見幾而作不俟終日可以免禍矣得之者賦性坦夷每為反側所虧思患預防則无咎矣

六二明夷夷于左股用拯馬壯吉。象曰六二之吉順以則也。

凡居明夷之時惟去者免傷也六二有文明之德居大臣之位此義之所不得去故有左股之傷股肱左右者大官之象以其德之文明則有馬壯之

拯是上下兩陽為二馬之助也助之者壯處之者  
順故吉也非吉之吉也是凶之吉也傷股者正文  
王囚羑里之事也則者有人君之大德而乃有事  
君之小心順乎君臣之天則也故詩人歌之曰順  
帝之則而孔子贊之曰順以則也詩人孔子其見  
文王之心乎如元數他卦叶吉必為股肱之大  
臣又看輕重如何或有手足之疾或為太守之職  
如元數他卦不叶或不宜左選而得右選亦可作  
五馬而止

歲運逢之自有才能不遇明主我在仕路亦有遷

擢大槩宜順上免禍常俗主災厄而終吉數凶者手足災也

邵曰此卦主明夷傷其左股是傷其無用之地而拯之則吉也得之者處逆境而裕如然手足眼目之疾宜所當謹

九三明夷于南狩得其大首不可疾貞象曰南狩之志乃大得也

此卦專言人事以上六為紂王位高而暗極九三為武王與之應敵是為南狩一狩而獲大害之首矣如元數他卦叶吉有剛明之才勇于進德力

于行道或為大相或為大魁或為大將皆當看其  
文武之輕重則分別无差也 數卦不叶吉為兵  
卒武人而獲功勞在僧道亦可為主首須當彼之  
求而後此應則成規模若急躁用心不知詳謹恐  
招禍及身矣

歲運逢之宜仕路進取可奪魁甲之名凡經求速  
後者必有遭遇也數凶者招禍

邵曰此爻專言人事以武王伐紂去害而得其大  
首也得之者正直无私亦因口舌以招怨忿而不  
自知也

六四入于左腹。獲明夷之心。于出門庭。象曰：入于左腹，獲心意也。

左腹是指上六暗主而言。左者不正之名。後世邪說亦云。左道明夷之主亦未遽傷。近臣然其蘊蓄于中則已不正矣。六四正而居近君之位。能洞見微隱。如入其不正之腹而得其害君子之心也。豈可久居乎。自當出離門庭而去矣。微子持祭器而歸周是也。如元數他卦。叶吉。有才有德行。公正之道。或為左轄。深結主知。文有右轄。武有左武。同門閤門皆是也。數卦不叶為人。无德多從不正。



之路用心設計不可億料

歲運逢之在閑官必出任事仕朝廷必出外郡久在國學得出而成名久在國國者得脫而事決方州進取必遭出落常俗出外經求有益或生心腹之災如婦人有孕必生貴子

邵曰微子之明夷也。四以陰柔在高位而獲見容卒得所往也得之者出入皆利但立業起家恒在外

六五箕子之明夷利貞。象曰箕子之身明不可息

也。

六五以柔居君位柔闇之主箕子當之何哉六五  
本君位。以上六居昏暗之極為明夷之主。故以五  
為大臣也。或問殷有三仁何以獨言箕子蓋或夫  
或諫各有分職惟箕子佯狂為奴而能正其志故  
晦其明明不止息也。元數他卦叶吉有正大之  
德知幾識勢能行明哲保身之道也。數卦不叶  
難遇知己常懷憂心或營求艱辛或奔馳勞苦  
歲運逢之養德待時自然獲福若狂而妄進必有  
禍傷身者矣

邵曰箕子以父師之親居中正之位以之而為囚

奴非明夷之世乎得之者成事立功恒于患難歲  
月營營終无暇日

上六不明晦初筮于天○後入于地○象曰初筮于天  
照四國也○後入于地○失則也○

諸爻皆說明夷字惟此爻是明夷終故不明言夷  
也既曰不明又曰晦者甚其昏之辭也以紂而言  
之自嗣位而聞見甚敏才力過人非筮于天照四  
國之時也及其昏棄失德而為獨夫非後入于地  
失則之時乎如元救他卦叶吉志在謀大大且  
保守不然有失也數卦不叶吉者愈見不堪矣

為也

數運逢之明處有暗常宜固守進取者先榮後辱  
得則勿喜失則勿憂據分處時自然意樂身樂矣  
老者不壽

邵曰上六居明夷之終其傷甚矣得之者先明德  
晦之象必有災疾

家人利女貞。象曰風自火出家人君子以言有物  
而行有恒。

外卦巽為風內卦離為火。火明于內風行于外為  
家人之象。閨門中事雖至隱未有不風聞于外者。

是故貴明不貴暗者也若一家之風自離明而出則无暗昧不明之事矣家道其不正乎凡有此言必實有此物凡有此行必實有此道恒者操履常久而不變也若妄誕不實相與為欺或變或遷无定守此問門所由暗昧也巽宮二世卦屬六月納甲是巳卯巳丑巳亥辛未辛巳辛卯如生于六月及納甲本命者功名富貴人也

邵曰巽入也離麗也入而附麗乎內如一家之中得賢婦而興也得之者起家立業由于內助之賢男子之生宜于春秋若婦人則不宜夜也

初九閑有家悔亡。象曰閑有家志未变也。

以家人全卦六爻言之。以上艮三爻為男正乎外。下艮三爻為女正乎內。其初為女二為婦三為母。四為子五為夫六為父。叔考父辟之象甚明也。分爻而言之其理亦通。則以初為有家之始。閑者防也。于初而防閑之。則種種過失自然不作。而悔可亡矣。何也。志未变故也。若待志变而後防之。有如隄已決而閑之。又如火已燎而撲之。何及也哉。如元數他卦叶吉。心性至明才德至大。見微慮遠。正身齊家以至定國安邦。不变始終之一志也。

數卦不叶心志不一先明後暗弱懦无立又看他卦相應何如或富貴不出食祿或富而守父祖家業若是陰人能主立不變遷

歲運逢之閑官有進用之榮在仕則退而閑居在選人未見改秩士人進取亦未成就如常俗謀事却利如人未娶者見親也如僧道則見住持矣邵曰初九為始家之象不能无悔然而有道防閑則可悔亡得之者起家立業能為无咎然而家人奴婢亦有小災

六二既攸遂在中饋貞吉

象曰六二之吉順以巽

也。

以家言之。此婦道也。以國言之。此臣道也。數卦

叶吉為中正之大臣也。有德有才不僭不做。陰人多是命婦也。數卦不叶亦是足衣食優游享福。歲運逢之仕路入朝。其中字應官。戢銜常俗見喜成家營謀獲利。

邵曰。此爻女正乎內。主中饋。奉祭祀。而无所專也。得之者事業之成。起于內助。而且進人口也。

九三。家人嗃嗃。悔厲吉。婦子嘻嘻。終吝。象曰。家人

嗃嗃。未失也。婦子嘻嘻。失家節也。



嗃嗃按說文云嚴酷貌。觀此爻下卦之上陽剛而正。不可為酷。止是過嚴也。嘻嘻是騎佚喜笑之聲。蓋正身之道在乎嚴明。嚴明之過。則至于嗃嗃。和家之道在乎和樂。和樂之過。則至于嘻嘻。三爻為內卦之主者。母道也。母道貴嚴。雖悔雖厲亦吉。而未為失也。本无嘻嘻之象。特因爻取義以明。反是必至嘻嘻。失家之節。其害大也。數卦叶吉處心之正。見事之明。嚴而有制。剛而不虐。于家于國。善始善終。陰人稟此為命。婦不施嚴。惡自然服人。數卦不叶喜怒不常。尊卑失序。或忻或忿。乍得乍

失

歲運逢之處富貴戕守者御下貴族去邪貴勇如是則無過失之患也仕人進取又當執一定之見不可二三或疑或怠皆无所就矣常俗憂喜相半邵曰以剛居剛下近離火治家貴嚴而不可過雖悔而終吉婦人則大治家之志得之者陰人是非咄唧不安

六四富家大吉

象曰富家大吉順在位也

以一家論之此爻為人之子子之正必克家以一國論之此爻為地君之大臣臣之正者必能治國

故曰富家大吉善富家者不寶珠玉而以父慈子孝為寶不豐粟帛而以夫義婦節為豐故六四之富而吉吉而大先聖釋之曰六四之富非以財而富之父子夫婦各順其位不相踰越是為富矣易之富家即記之所謂家肥也 數卦叶吉其才之清其德之順足以正心修身齊家為當時重望之大臣 數卦不叶豐厚粟帛為鄉黨之吉人如是女人則有賢德主家不剛不悍

歲運逢之閑官得仕貧士獲福患難者得安樂孤寡者有子親姻者必合進取者必成矣

邵曰陽實陰虛六四以陰居陽所以不自富而富其家也得之者主有克家之子能富其家而善任幹蠱之責也

九五王假有家勿恤吉 象曰王假有家交相愛也

假訓至字五為一家之主乃已身也以一國言之此君位也故曰王假有家一卦之內在初為防家之始在五為家道之成故皆曰有家有家非謂男女居室長幼聚處也設或骨肉睽而不合閨門否而不通則事之可憂安得勿恤而吉乎惟陽剛中正能盡刑家之道故意深洽和氣薰然人无異聲

此其所以有家就有家者人人交相愛也自非施  
五以德睦之以心感之安能如是乎 數卦叶吉  
言行中正足以標準于當時非惟我愛于人人皆  
愛于我所謂交相愛者矣 數卦不叶亦主栗  
豐盈親眷和睦

歲運逢之仕路最顯士人進取有成常俗多遇  
上之提携无不吉者如數凶兼卦凶者變貴于  
圓為終壽也

邵曰九五以陽居尊正王假有家之道然自家以  
至天下不用干憂恤自然獲吉矣得之者夫

而家道成是非散而憂慮无終无大害

上九有孚威如終吉 象曰威如之吉反身之謂也

家人有嚴君此父是也故曰威如又是家道正威  
之後人情易縱宜有孚威如可保終吉威非暴猛  
也反身而誠則人人自有孚而畏之有家之初在  
閑保家之終在嚴然後見一家之主交相愛也不  
閑不嚴交相賊也 數卦叶吉文章高世威望大  
人足以勝朝廷之重任也 數卦不叶者亦是謹  
身節用之人終不負志

歲運逢之官途就高權重士人轉身進取威名

道廣俗皆有變動則吉

邵曰陽剛居家人之上有孚信威嚴得治家之道  
宜乎其獲吉也得之者家道有成有危即解

睽小事吉

象曰上火下澤睽君子以同而異

上火下澤而睽火伏未燃澤瀦未流其睽之狀未  
見直待火一動炎炎而上澤一動滔滔而下始見  
睽也中少二女同居毋旁其睽亦未見及其動而  
適人則不同行始見睽也此所謂同而異也同非  
徇俗異非絕俗惟君子能之又事物之理未有不  
自睽而合者故六爻皆取睽合之義且以人倫言

其父子兄弟本來无睽惟君臣朋友夫婦皆自睽而合是故合則四海一家不合則對面千里動行之始可不謹欵艮宮四世卦屬二月納甲是丁巳丁卯丁丑巳酉巳未巳巳如生于二月及納甲本命者功名富貴人也

邵曰火上澤下而不相合然六五柔進而上得中應九二之剛故又得小事之吉也得之者親友不合施恩成怨閨門失助祖地須離此睚眦反目之象也

初九悔亡喪馬勿逐自復見惡人无咎 象曰見惡



人以辟咎也

初九剛大之才在睽乖之時窮而居下非苟且求合者故其悔亡馬健行之物今喪之則行无所持乃若得失亂于中利害奪于外惟恐不復而急追逐之則愈遠愈悔矣惟勿逐聽其自復非樂天知命澹然于得喪之境者不能也有如疑問方起垂異百端儻急于分辨求解然未孚之時其言愈多其睽愈甚不若置之勿辨靜以處之事久而明論久而定則未有不復還其天理之正者也雖然勿逐者安于義命也而惡人亦有不可不見者也世

方乖睽群邪用事忌善醜正古今同情介持自高  
不能委曲以見之禍將至矣見之非繳福也以避  
咎耳 數卦叶吉清名重望必能如初九之處世  
者也 數卦不叶仕不及大惟宜知幾順理以靜  
制動聞凶化吉有心畜事則難无心畜事則易  
歲運逢之閑官復職昔為我雠今為我福又推測  
輕重或為太守之失失而又得終不為害數凶者  
變未濟濡尾溺沒之禍

邵曰初九震睽之始不能无悔幸而上與九四合  
德悔斯可消得之者爭聞盜賊宜知所謹者觀下

人一步則事可解

九二遇主于巷无咎。象曰遇主于巷未失道也。

不期而會謂之遇。今九二賢臣遇六五明主如  
岩磻溪竿野草廬之事也。說者以巷為委曲非本  
意也。陋巷簞瓢之事亦可法矣。夫賢臣處睽乖之  
時當懷才自重于道則未為失必待明君力求而  
後應可也。古之人直欲三聘三顧而後起者審其  
求之力則未為失道也。數卦叶吉其為忠臣義  
士所負高才大德或不由進取而遇明主建立大  
勲業開太平者也。豈尋常小官卑戕所可比乎。

數卦不叶懷才養道隱名悔迹達不爲樂窮不爲憂

歲運逢之官員擢戕士子成名大則遇明主小則遇主人凡有遇合皆出于无心中得之常俗亦得遇主人

邵曰二五陰陽正應當睽之時乖戾不合必委曲相求而得會遇得之者平易反見艱難成事又見反覆其間必有曲薦之遇也

六三見與曳其牛掣其人天且剕无初有終  
見與曳位不當也无初有終遇剛也

六三之陰應上九之陽為夫婦之未合之前生出許多疑怪者蓋有九四六五在內為間隔耳天字謂在上者不穿鑿取義與指九四互坎牛指六

離體天指上九陽剛今六三見與曳牛掣天剝則是疑猜未判妄有是見正為睽之病根非真有此見也待其疑極必通陰陽相應群疑散亡是謂光初有終矣數卦叶吉稟性甚敏見事生疑初遇艱難終得吉亨數卦不叶或在車前馬後或遭驅役先趺涉勞苦後受安閑

歲運逢之其與曳為仕路之阻不難知也上人進

取必見成就。蓋牛為解星。天為名。登天府。剗為切。  
已之事。大凡有姻緣好處。必有為我之梗者。宜靜  
以制動。久而自明。散而復合。如庶俗下流。進望有  
阻。或遭刑責。亦宜于險中求安可也。

邵曰。六三以柔居剛。陷于二陽之中。又為九二牽  
曳。九四掣隔而不能進。然上九必有相應。故為有  
終。得之者進退阻隔。刑傷破敗。在所必然。亦可小  
康。

九四睽孤。遇元夫。交孚。厲无咎。  
象曰。交孚无咎。志  
行也。

六爻惟四與上言睽孤蓋四位高而上處極本有  
危有咎孤者睽之極也然睽極必通孤極必合  
元夫者善士也今四與初之善士同德其相遇必  
誠相交以德而見孤者明睽也久則疑釋而合之  
睽者合何志之不可行何難之不可濟哉是故雖  
危无咎矣數卦叶吉則有出類拔萃之才又能  
親善接貴而以君子為朋足以立大勲業者也先  
孤後不孤如女命適貴夫為命婦矣數卦不叶  
孤立自為險處成福謙恭處已誠信接人始勤事  
業終有遇合

歲運逢之求名利者必成求婚姐者必合處危者  
身安居閑者志行凡有所畝先阻後順

邵曰火上澤下而九四下不得應于初九之謂睽  
上不得應于上九之謂孤是不相合矣其後得遇  
初九故无咎也得之者骨肉少息凡事先難後易  
女人則重婚再嫁

六五悔亡。厥宗噬膚。往何咎。象曰。厥宗噬膚。往有  
慶也。

六五明君也。以柔居尊。宜有悔。下得九二大臣之  
應。故悔亡。厥宗者。尊九二之重德也。古人遇合有



河洛數

庚午下經上

切齒臂為誓者以見其交結堅固也如是而往非  
惟无咎而且有益 數卦叶吉德重位尊謙恭下  
士而得良朋輔助以立功名享富貴者也 叶  
不叶或承祖宗之恩澤或見親戚之受刑傷或生  
未受用不勞自己或遠經營多遇貴者

歲運逢之高下相信遐邇相從士人進取官員除  
拜常俗經營男女婚姻并見遂意數凶則憂不寧  
親朋怨恨或見骨肉之傷或有爭競傷損之事或  
遠出或訟事牽連謹守隄防免驚恐也

邵曰以柔居尊宜其有悔然有九二之正應其悔

可亡矣得之者親朋致怨凡事乖張若能變更其  
用則可獲吉

上九睽孤見豕負塗載鬼一車先張之弧後說之弧  
匪寇婚媾往遇雨則吉象曰遇雨之吉群疑亡  
也

上與三應為夫婦之合是陽遇陰而為雨即六三  
之陰遇陽而為雨也此言先張彼言无初有終所  
以兩爻生許多疑惟只緣四五為間隔于内也其  
豕鬼寇三者皆指九四六五爻為象九四互坎為  
弓矢敵射之然事久而理明睽極而疑解故不射

始知非寇乃是我之婚媾也徃與之遇非特群類  
亡而得陰陽和為兩矣 數卦叶吉文章事業足  
以標準當時惟是見識過明明過而察察過而疑  
是故歆前歆後初涉艱難末見平易或重迭婚姻  
先孤後不孤或因兵革立功又兩者祿澤也濟人  
利物之兆也 數卦不叶為孤獨為卑污或虛詐  
或勤怠不一為聚散无定或從戎伍而後成名或  
出家或遠而獲取他家田業

歲運逢之或見怨忌或遭謗言見凶非凶聞吉非  
吉有疑則是非不辨自明靜而事遠動而事合先

我侬今為我思凡求名求利先虛後實宜動不  
宜靜

邵曰上九與六三為夫婦之合所以陰陽和而得  
吉也得之者人事先乖後吉女人有病

蹇利西南不利東北利見大人貞吉象曰山上有  
水蹇君子以反身修德

山上有水流行艱澁乃險阻之狀恰如跛躓者難  
進是故名蹇大抵小人處蹇則召怨君子遇蹇則  
反身修德身雖處險難其心則太然矣雖蹇而未  
嘗蹇也兌宮四世卦屬八月納甲是丙辰丙午丙

河洛數

卷下經上

申戌申戌戌戌子如生於八月及納甲本命者功名富貴人也

邵曰艮止乎下坎險于上蹇利西南不利東北宜見大德之人以維持之則蹇可濟得之者稟性憂戚凡事先危後安或招寒濕之疾

初六往蹇來譽象曰往蹇來譽宜待也

初六逢蹇難之始在下之不幸也在下而無位是不幸中有幸也若速往而進必遭其禍若止而退必得其譽是必靜以待時之平而已與其獲譽於亂世不若免譽而安然名可得聞身不可得見也

數卦叶吉大才清譽之君子善處逆境而不怨深  
得居易俟命之道必有人求之得大用於當世矣  
數卦不叶多是知幾固守自有聲譽不宜躁進妄  
爲以致殃咎

歲運逢之先看貴賤如何若在仕路有動不可速  
或見加職賜恩典以其有譽字故也待字大則爲  
待制小則爲府班或待次也常人宜守舊

邵曰陰柔處蹇之初上無應援宜退不宜進也得  
之者待時而動凡有謀望宜加謹審

六二王臣蹇蹇匪躬之故象曰王臣蹇蹇終无尤

也

蹇之六爻初上三四皆不許其往。惟六二與九五許其往者。二爲臣。五爲君。君臣不往以濟時難。更誰當往乎。蹇蹇者多難而非一難也。大臣犯難而捐軀以求濟。何尤之有。然六二陰柔而短於才也。聖人不尤之者。嘉其志而恕其才也。數卦叶吉。孝以事親。忠以事君。捐身亡命。不爲懼也。豈小才小技者能如是乎。數卦不叶。或父子同艱辛。或夫婦甘寂寞。却能損己益人。不以爲恨。歲運逢之。不宜靜而宜動。動則有立身揚名之榮。

凡先有艱險災危者今皆無事矣數凶者至于亡身也

邵曰六二上應九五是君臣不往以濟時而誰當往乎得之者功業向上而成且施勞成怨悔滯是召慎之方可

九三往蹇來反。象曰：往蹇來反，內喜之也。

蹇之一卦五爲主。二爲濟蹇大臣。天下之蹇義非一人可濟如大厦非一木可支也。細推初三四上皆從二爲一體所以濟蹇者非初之宜往待二求之也。又三之反歸四之來連上之志內皆指歸女。



二以叶濟明矣四爻各言往蹇而不待彼求四曰  
往蹇來連則爲譽爲喜爲實爲碩何患蹇之不濟  
也數卦叶吉能修己德以副上求足以治國安  
民也數卦不叶進取非一或爲中貴或棄內舍  
外立嗣歸家或改過自新或守祖宗活計或得內  
助

歲運逢之在仕必入朝廷進取宜會試地位高者  
爲中書內翰庶俗見妻生子之喜

邵曰以陽居陽正應上六往蹇來反而二陰喜處  
也得之者未宜更改勞心勞力而事不成又當赴

幾而作

六四往蹇來連。象曰：往蹇來連，當位實也。

六四之陰本虛下與初應初以虛其才弱若不置其無才無力先進以求濟難則難愈蹇耳且接連六二大臣共濟可也小象曰：當位實也者是指六二爻有五之陽應也。數卦叶吉功名富貴實而不虛或祖宗繼承或子孫接續言出真心足踐實地。數卦不叶其心正其言實財祿常有婚姻接續。

歲運逢之求名望利二者不虛或接連歷仕不絕。

辭退或牽連訟事不能決斷大槩先難後易終不爲過

邵曰往蹇入于坎險歸則與三陽而連合也得之者宜棄外就內不可輕舉妄動恐累人惹事也

九五大蹇朋來象曰大蹇朋來以中節也

朋者善類爲我之助者是言初三四上皆歸六二而共副九五之用也自天子達於庶人隨所遭隨皆謂之蹇但事体大小各不同耳今九五可謂大蹇矣天下大蹇而來譽來反來連來碩之儔皆與蹇蹇之臣同心協濟則是朋來若九五處之不以

其道則有去而已肯誠心與我哉能以中道制節  
設施舉措無過不及此朋所以來也 數卦叶宜  
行道執中虛已接善得上信任良朋協從足以振  
危亂爲治平者也中字則爲太中中書之類節字  
則建節節制之類 數卦不叶雖一身困窮常遇  
親朋提携稟性剛中作事執一無親疎之私无彼  
此之異婦人守節不愛華飭  
歲運逢之常俗艱難者必遇朋友助力士人進取  
者必得姓名標榜

邵國以陽剛居巽位陷於二陰之中是大人之應

下三爻爲朋乃以中道而得助也得之者幾會多  
判家人見災破財官訟率皆值此

上六往蹇來碩吉利見大人  
象曰往蹇來碩志在  
內也利見大人以從貴也

上六處蹇之極其難將解矣爻辭不但獨言本爻  
則是兼言衆爻之志並從乎二朋類盛集赫然碩  
大皆有利見大人之辭諸爻皆當有之獨於二爻  
總言者乃是易中之法例後人多不知也 數卦

叶吉大才碩德篤志事君小則升內舍大則除內  
翰 數卦不叶依附尊貴卓立生涯自不勞神或

有內助

歲運逢之外郡仕官必擢清禁士人進取姓名不  
脫若在學舍者有升入太學者未當出仕凡事營  
謀親近高上無不獲利

邵曰處蹇之極當坎之上是以無拘迫之憂而有  
寬大之樂所以吉也得之者大賢之造若夫憂危  
險難在所不免如知止則吉也

解利西南無所往其來復吉有攸往夙吉。象曰雷  
雨作解君子以赦過宥罪。

天地以生物爲心故雷雨作君子與民自新故赦

宥赦者赦其過誤宥者宥其可疑此古聖不易之  
典非一槩赦宥也一槩赦宥則是惠奸也是滋天  
下之無忌憚以賊夫善良也觀象者宜知聖人之  
心乎特不忍一民之夫所也震宮二世卦屬十二  
月納甲是戊寅戊辰戊午庚午庚申庚戌如生於  
十二月及納甲本命者功名富貴人也又二三四  
五六七八月爲雷雨及時爲福力重九十十一月  
十二月正月爲失時福力輕內十二月係本命月  
卦不在此論

邵曰雷動於坎險之外何蹇難之不可散釋也得

之者官訟破財骨肉變故稟性伶俐災危有解

初六无咎。象曰剛柔之際義无咎也。

解者散難之卦初爻乃患難初散安寧無事故無咎宜安靜以休息與九四正應剛柔之際也雖甚相得而欽然退處於無位之地不失義也孰得而咎之乎。數卦叶吉為臣事君君臣相孚父慈子孝兄友弟恭夫唱婦隨皆人倫至善至福之事也。數卦不叶亦為平正吉人不爭高下受用無虧常遇知也提挈。

歲運逢之人在仕官宦地位高者變理陰陽而為



重臣矣士人請舉登科未婚嫁者必合經營者必  
濟

邵曰以剛居下上附九二以應九四剛柔相濟又  
善補過故得无咎得之者是非患難多因人招怨  
然能謹守且善區畫縱有滔天大禍亦虎頭蛇尾  
九二田獲三狐得黃矢貞吉 象曰九二貞吉得中  
道也

三狐三陰也謂三小人也一卦四陰而指其三者  
不指六五五君位也田者力之致也黃者一云地  
之色中不過也矢者直剛壯也夫多難既散有攸

位夙吉今九二以陽剛之才佐六五陰柔之上  
於有爲之時也立剛紀法度莫如先去小人去小  
人而不力雖去必來去小人而不直雖行不格去  
小人而不中雖正必偏有是三者則盡之矣又能  
貞固則吉矣數卦叶吉其才學高其威望重又  
中而不偏直而不曲正而不邪有以服小人而  
而爲佐國忠臣也數卦不叶雖非富貴亦近  
之人或有田地或有再取或爲黃冠隨機應變  
消息之必驗矣

職運逢之則有營田進田三薦三魁三甲黃榜

屋薦剋若在右選其田獵征戰是也常人公訟象  
田產及進田之喜亦是也

邵曰九二剛中之臣六五柔中之君既得任用  
如田獵而獲三狐三狐初六六三上六是也所得  
者中正又以貞固而守則獲吉矣得之者賦性公  
平克盡委任之勞招尤致悔皆由固執使然是不  
可以無心處事也

六三負且乘致寇至貞吝 象曰負且乘亦可醜也  
自我致戎又誰咎也

六三陰柔本不中不正而居下體之上是小人居

上位則非初六之比矣。正如負敗之小人乘車可醜之甚也。公論不平有操兵奪之者矣。三之無德寇自己致非他人之咎也。數卦叶吉或起於卑微而受富貴惟宜堅守正道謹慎改過斯免災危或虞侵奪。數卦不叶專行險詐竊位僭上使天下之正人皆薄而醜之矣。若婦人其所為尤不堪言也。

歲運逢之大宜固守職分謹身不然則有禍也。蓋繫辭有言慢藏誨盜治容誨淫者也。凡在仕宦浩蕩替當如此處之則無憂矣。數凶者或除是

或兵寇之難

邵曰以陰柔而居三不正不中上負四之剛下與一之剛正如負販之小人乘車寇奪之至不乎得之者享乘車之貴又招負擔之醜既得上人玉成且致小人謗怨只宜固守何暇施為

九四解而拇朋至斯孚 象曰解而拇未當位也

此文元是臨卦初九來為君子朋至也今指九二為明斯孚而字當作爾字訓是言四之本爻也拇者在下所應者謂九四當解去正應之私心然後得九二君子之助力或以六三為拇相近在下亦

通數卦叶吉爲正臣不私所親解散小人則得天下君子孚信而朋至矣數卦不叶則親比小人以碍天下之公論惟宜改過守正擇良朋絕惡黨庶無爲我之禍矣

歲運逢之在仕在俗皆以公心斥絕邪佞則有吉善之人助力不然則惹禍遭殃有位亦失也

邵曰九四以陽剛而居近君之位與初相應必欲其私昵然後朋黨斯至得之者望高未遂成敗免而徒勞心力宜遠私愛之力而得善友之助

六五君子維有辭吉有孚于小人象曰君子有德

小人退也。

六五爲散難之主其質本柔而有解難之功惟能用九四九二之大才君子以解散小人而已然則天下無多難只有小人者難之宗也然則解難無多術其君子者解難之源也今言君子惟有解吉者惟用君子專一而已矣孚者驗也用君子之驗驗之于小人退而已數卦叶吉退已進人則有良朋佐助斥逐奸邪而至公至正之道行矣數卦不叶雖非貴人亦能服衆或是治業榮甚而得下人助力

歲運逢之仕宦多居要路去讒絕佞或任兵戈重  
權立功士人成名常俗讓利有訟者直有疾者除  
邵曰六五以柔居尊不能制強服暴然非聖人之  
得已蓋力之不足所以行仁恤之政以解之耳特  
之者惟柔弱太過然能卑以自牧量度時勢是以  
爭競无而變咎泯矣

上六公用射隼於高墉之上獲之无不利象曰公  
用射隼以解悖也

隼言六三也高墉爲六三之負乘而叨高位者也  
上六射而獲之也上六公位則大臣之辭



叶吉才高志大德厚位尊能任朝廷之大事或文  
武二者兼功 數卦不叶高堂大厦優游享福君  
子推重小人畏服

歲運逢之開官赴詔兵師立功士人中舉則是一  
鶚高飛之兆常人修葺門牆得意亦獲利仕途必  
獲薦剡

邵曰隼鷹之小者害禽之物猶害人之小人也  
不能遁跡而立于高墉宜乎爲其所獲矣得之者愚  
惠及人怨懟歸已幸以福原之旣深凡欲肆害于  
我者適以自害而已必得高勢方獲利名多是福

室軍官宜得威福之柄

損有孚元吉无咎可貞利有攸往局之用一簋可用  
享象曰山下有澤損君子以懲忿窒慾

損之爲卦以澤之深益山之高此損下益上之象  
則是損不善以益其善也君子觀兌之說以懲其  
忿觀艮之止以窒其慾人之天性如山之靜如澤  
之清其忿或觸之其欲或誘之豈其性哉深戒其  
觸之端逆閑其誘之隙損之又損則忿慾消而天  
性復矣艮宮三世卦屬七月納甲是丁巳丁卯一

丑丙戌丙子丙寅如生於七月及納甲本命增功

名富貴人也

邵曰損乾之九三而爲艮主于上九所以爲損如以孚信則吉矣得之者有損已利人之心無損利已之念雖處高位自牧愈謙損財損人有所不免狹隘陰險弗與相交則咎遠矣

初九已事遄往无咎酌損之。象曰已事遄往尚合志也。

初九已事遄往者去病也四有疾初當速往益之則无咎又當斟酌深淺要在於得中而已大抵欲速則失之過也一酌字其應病之權衡後世不明

斯義多用剛直於尊上而反益其疾者多矣豈復  
弗損而益之道哉 數卦叶吉爲清名重望之  
臣奮治國濟民之志度時而進知幾而退其功業  
有益於後世矣 數卦不叶雖有才德施設多難  
巧於他人拙于自己欲速則事理不達欲退則事  
幾多差

歲運逢之勇於進用事濟宜退閑官必見陞擢甚  
爲進取經營者皆可成也

邵曰陽剛居卑所以損下益上而事業之成亦順  
急往天之道也得之者凡欲成事宜速其幾否則

河洛數

卷下經上

有剝失之嘆不免於破財若能斟酌時勢則事無不可矣

九二利貞○征凶○弗損益之○象曰九二利貞○中以永志也○

卦有三陽皆當損陽以益陰然二與上非正與初正不同故二與上皆利貞焉二雖非正而處得其位故象言中以爲志也是念念不忘乎中耳守正如是自然不妄進勿損而能益之矣三陽爻皆言志天下惟剛者有志此剛德不可損聖人於損之陽爻而特拳拳言乎志也數卦叶吉才高志剛

以振億起衰皆由生財有道處已無私審而後進  
進則有功 數卦不叶或爲扶藝有益於世常宜  
固守不可妄進其征凶者爲征戰不利其中字又  
是官職之名階也

歲運逢之清才碩德爲天下景仰士人中魁仕途  
遷擢幾會自來其求名望利先難後易

邵曰以陽剛居正位上應六五之君當自損之時  
利于貞正以事上不可恃剛而致凌犯若貞正以  
自守則利若征進上行則凶苟能之無損而有益  
也得之者凡事宜貞固自守必有上人從携情願

凌人不惟無益反見多事

六三三人行則損一人一人行則得其友 象曰一人行三則疑也

此本泰卦內體三畫之乾爲三人行九三上行爲損故曰三人行則損一人也一陽上一陰下故曰一人行則得其友也若九二更行則爲益亦得交也所以損益二五互相發明皆曰十朋之龜不克違若初九更行則爲否矣故曰三則疑也今爻辭只說一三而不言二五者聖人書不盡言言不盡意也 歎卦叶吉奉上親朋彼此皆同心同志相

照洞然不疑足以致君澤民立身揚名者也  
卦不叶親近良朋立成活計修業不倦臨事不疑  
可謂端人正士也

歲運逢之仕路升騰知己助力衆共用事多忌多  
疑一則獨行得朋得助求名望利者當先執一則  
有成就在僧道領衆商賈獲利

邵曰三爲上九正應乃損下益上之位也上九一  
行往而得四五爲友故西南得朋以爲友本陽損  
之而爲陰是損一人也得之者輕財重義損己益  
人然而作事生疑機會屢失頓斃不協琴瑟不調



故兄弟及子每三而損其一也喪服破財其能免乎

六四損其疾使遄有喜无咎 象曰損其疾亦可喜也

陰柔之資居上卦之下處近君之位富貴誘於前  
忿欲動於中此其疾也急賴初九之剛攻去其疾  
則有喜无咎矣 數卦叶吉必見名高身貴但宜  
謙已接人而免責謗又當懲窒欲而免災疾 數  
卦不叶有過速改有疾速醫則無怨悔矣不然殞  
身喪德亦已較量諱疾忌醫執僻不變而爲不正

之人也

歲運逢之有禍者免有疾者愈有謗者明閑官得  
起士人成名常俗經求獲利見喜

邵曰六四陰柔居近君位而與初九正應則能損  
其偏媚之疾又初九能以剛決之才輔六四急於  
向善所以有喜而無疾也得之者利歸於人而害  
歸於己有疾宜速治有妬宜急援若能知幾速於  
更變則可散憂而為喜也

六五或益之十明之龜弗克違元吉 象曰六五元

吉自上祐也

此卦爻辭只是贊六五之君損已從下之盛德也  
有山岳配天之德中虛空洞寬廣謙柔損已以從  
下之群賢而群賢皆願增益其高大也一人之損  
衆人從之龜筮又從之人謀鬼謀百姓與能此其  
所以爲大吉而自天祐之與 數卦叶吉虛中無  
我得四方賢者以協力能起衰世爲盛時矣 數  
卦不叶亦有譽望出衆衆皆稱善榮身起家多有  
福壽蓋龜爲多筮之兆乃長年者也

歲運逢之清要近君天下景仰高才碩德士人  
魁選僧道領衆商賈獲利

邵曰六五以柔居中猶君能損己益人則天下從而益之以十朋之龜而不能違此友人協取之象宜乎其元吉也得之者機會自應人心趨服雖有不測之災有不得而害之者所謂得道多助者此也

上九弗損益之无咎貞吉利有攸往得臣无家象曰弗損益之大得志也

上九居損位之終則必變之以不損艮位之極用必止之以不損其在下之賢皆損己以益上宜无咎宜元吉宜利有攸往得臣謂得長民之臣無家

謂無私其家如是無往而不大得志也請以天下之大者喻之夏禹菲飲食而天下無飢民文王卑衣服而天下無凍老漢文帝集皂囊罷露臺而天下有烟火萬里之富是損卦上九之義也 數卦叶吉德重位尊不私一己專用群賢則得天下之權心是以立勲業享富貴也 數卦不叶不貪不謀自然飽煖親近尊貴多善遊談或爲商旅獲利或僧道而無家 歲運逢之道窮者通事靜者動動則有益爭名奪利俱得騰達

邵曰上九以陽剛之道益於下所以往無不吉而天下孰不服從也得之者損人損財機會將成而復輟者皆損也易曰損而不已必益須先見破損變故之多然後得祿而發福也

益利有攸往利涉大川 象曰風雷益君子以見善則遷有過則改

益上巽下震雷風相與萬物滋長造化之益物也君子體之以風之長萬物而長一已故見善則以雷之威萬物而威一心故有過必改風以長之則一萬萬善可以威之則損不善以益至善

則損已以益人未至也。損過以益已斯至矣。大舜見善若決江河。顏子有過畧不疑惑。一念自敏自勇。此其爲益也。巽宮三世卦。屬七月納甲。是庚庚寅庚辰辛未辛巳辛卯。如生於七月及納甲本命者。功名富貴人也。又二月至八月生者。福力重。余月非時。福力淺。

邵曰：損上益下謂之益。何往不可利。何險不可涉。也得之者稟性忍耐。三甲頻登。抑且興利發福。必然先見災咎。而後方可無戾。若常人亦所事。稱意初九。利用爲大作。元吉无咎。象曰：元吉无咎。小本

厚事也。

初九以陽剛之才爲震動之主得四六近臣之應是故位一卦之最下而利於作興天下之大事大事者非常之事也唐虞之禪湯武之革是也如有利用爲大作之才而無至善之德且挾專權自尊之心其於天下國家能吉而無咎乎今初九之德則不然能爲衆善之長且有不自厚其事之心可以作天下之大事興天下之大利爲天下之益吉而无咎矣元者善之長也數卦叶吉其爲有德如是之大臣矣數卦不叶必有吉德



安時處順或爲耕作或爲工作俱可起家

歲運逢之進取者爲大魁其大字者爲吉兆甚多  
大夫太師大相大中是也僧道則有大德大師之  
號庶俗則宜大謀爲大施設有大称心矣

邵曰初九爲益之始利干大作爲吉得之者量機  
寬洪上人刮目求望進取無不獲吉事雖先損後  
必益亦宜謹慎爲佳

六二或益之十朋之龜弗克違求貞吉王用享于帝  
吉 象曰或益之自外来也

六二與損之六五爻辭同彼君位也故言元吉又

象言自上祐二臣位也。故言永貞吉。宜其得五所用矣。以享上帝。而天亦益之以吉。又象言自外來也。六二若不虛中。外豈得來乎。數卦叶吉虛已無私。良朋會聚。上副九五之君。以益兆民之慶也。或封王官。或爲高年。或爲配享。數卦不叶。其得衆朋助力。活計長久。守已奉上。或遇王公大人信用。而有聲譽外來之榮也。

歲運逢之仕路榮遷。農家進益。工商經理皆見遂意。

邵曰損之六五曰或益之十朋元龜元吉。益之六

二曰十朋之龜。益之六二。即損之六五也。得之者得道多助。成家立業出於無心。此雖或然之數。又當謹其必然之理。則焉往而弗吉哉。

六三。益之用凶事。无咎。有孚中行。告公用圭。象曰。益用凶事。固有之也。

凶事者。乃患難非常之事。公次於王。人臣之極位也。主者公侯所執以通信也。固有者是本分內事。非外來也。益之三與四。爻皆言中行告公。其義深矣。說者皆不得其要。非謂三四爲中行也。是指九五中行之君而言也。中行告公者。則是君之告臣。

也此三四爻言用凶事與遷國乃人事之變不可  
作尋常之論今六三柔體也居下之上處剛之位  
據動之極見有可以益天下之事則決然自任而  
益之是果於益而忘其勞矣用凶事无咎者惟危  
難不得已而用之則无咎也非危難則有咎矣有  
如懷筮之斬莊賈用之於平世則專又如紀信之  
乘王車用之於治世則僭是也此皆適逢其會不  
得不然若非固有而用之則是邀功立名於分  
則是凶而已耳何逃罪於天地間哉 數卦叶書  
必為忠臣烈士則是身當危難有益於民社有益

於風教有益於天下後世者也其中字公字與圭  
字不待言而官職顯然矣數卦不叶非貴即富  
勇於設施幹小事則有失幹大事則無損惟  
靜不常更變無定若一心誠實必有大知已大尊  
貴信用者也

歲運逢之兵將立功士子成名遷人改秩朝臣大  
用庶民獲福數凶兼卦凶者有凶事非常

邵曰六三遠君近民之位凶年欲為損上益下之  
道散財發粟以濟天下之人雖曰專制何咎之有  
得之者有權有祿宜於險中成事若或奮身矢石

則財利功名可計日而待

六四中行告公從利用為依遷國象曰告公從以

益志也

益之為卦上巽為君命下震為臣動不待君命而  
臣動者非正道也三四皆不得中故皆以中行為  
戒此言以益為心而合於中行則告公而見從矣  
傳曰周之東遷晉鄭馬依蓋古者遷國以益下必  
有所依然後能立此次又為遷國之吉占也

數

卦叶吉正直處事謙遜待人志在益民益天下不  
在於益家益身也數卦不叶稟性誠實立身節

儉改祖別家依附尊貴

歲運逢之閑官越選人改秩大臣封國邑士人變

姓名改遷則吉僧道工商皆亦動有吉靜不利

邵曰柔中大臣爲九五之君信任所行又得中道

國之大事無不信從得之者立身行事公平中正

處公侯之上朋友之間所往皆利但每得小人之

嗔嫌生計變遷不一是以過都越邑終無寧家

九五有孚惠心勿問元吉有孚惠我德象曰有孚

惠心勿問之矣惠我德大得志也

九五以陽剛之才中正之德當益之時爲益之主

有孚於心。天下蒙其惠。蓋蓋被天下。而人皆懷其  
惠。益之德者。有孚惠心。上之誠也。有孚惠我德。下  
之誠也。上下交孚。九五之志得矣。損之六五。言益  
而不言損。損之至也。益之九五。言惠而不言益。益  
之盛也。數卦叶吉。有如是之德。及於人人。無不  
願從矣。願從者。不令而行也。以之治國。則國治。以  
之齊家。則齊家。其功名富貴。特餘事耳。數卦不  
叶仁。惠在心。恩德及人。優將多福。或爲僧道。聲價  
播揚於當時。或工商活計。滋潤於平日。

歲運逢之。當要津逢明主。爲仕路之最榮也。僧道



出世大衆皈依士人進取名在前列卑賤者謁尊  
貴多有知遇

邵曰九五有孚惠心云云得之者中正朴實以待  
人信義溫厚以處已然恐恩惠及人而怨憎歸已  
者多矣

上九莫益之○或擊之○立心勿恒○凶○象曰莫益之○偏  
辭也○或擊之○自外来也○

上九以善益已○已益而人不損○以利益已○人損而  
已不益○上九居益之極○而以剛上人○此非以善益  
已也○以利益已也○利之所在○可均而不可偏○上九

不均之以益人而偏之以益己則爭之者至故  
人莫肯益之則有擊而奪之者矣惟其立心之偏  
所以凶自外來也中而不偏外敢來乎數卦叶吉  
有志多才多藝損物益己見名獲利實去虛來或  
得或失全乖正理數卦不叶心中不正孜孜切  
切務求益已執偏私之言非大公之論衆多怨之  
若能速改庶幾其可不然立心堅固守以爲常  
無疑也不問士農工商以此爲鑒庶無禍矣

歲運逢之進處宜退則無損矣多惹惹盜事宜正  
行不可偏私恐惹爭訟貴賤貧富皆要謹審不可

過求人情仇矣有損無益忌外事爭擊不睦  
邵曰以陽居益之極求益不已故莫益而或疑之  
立心不恒將有外來之凶矣得之者正言正行物  
我無間則吉習尚偏私利己妨人則凶戒之哉